

M150: Otlohs Gebet

161v,11 truhtîn almehtiger dû dâr bist einiger trôst unde êwigiu
 161v,12 heile aller dere di in dich geloubent joch in dich
 161v,13 gedingent . dû entliuhte mîn herze . daz ich dîne güete
 161v,14 unde dîne genâde mege ane denken . unde mîne sünde
 161v,15 joch mîne übele . unde die mege sô klagen vore dir
 161v,16 alsô ich des bedürfe . lesche truhtîn allez daz in mir
 161v,17 daz der leidige vîant inne mir zunte üppiges unde
 161v,18 unrehtes ode unsûberes . unde zünde mich ze den
 161v,19 gireden des êwigen lîbes . daz ich den alsô mege minnen .
 161v,20 unde mich dare nâch hungere unde dürste alsô
 161v,21 ich des bedürfe . dare nâch mache mich alsô vrôen unde
 161v,22 kreftigen in alle dîneme dieneste . daz ich alle die
 161v,23 arbeite mege lîden die ich in deser werelte schule lîden
 161v,24 durch dîne êre . unde durch dînen namen . joch

 162r,1 durch mîne durfte . ode durch iemannes durfte .
 162r,2 truhtîn dû gip mir kraft joch dû kunst dare zuo . dare
 162r,3 nâch gip mir soliche geloube . solichen gedingen ze dînere
 162r,4 güete alsô ich des bedürfe . unde soliche minne soliche
 162r,5 vorhten unde diemüete unde gehôrsame joch gedult
 162r,6 soliche . sô ich dir allemehrigeme schule erbieten . joch
 162r,7 allen den mennischen mit den ich wonen . dare nâch bite ich daz
 162r,8 dû mir gebest soliche sûbericheit mînen gedanken joch
 162r,9 mîneme lîchnamen slâfenteme ode wachenteme .
 162r,10 daz ich wirdiclichen unde entvenclîchen ze dîneme
 162r,11 altære . unde ze allen dîneme dieneste mege gên . dare
 162r,12 nâch bite ich daz dû mir gelâzest aller dere tugende
 162r,13 teil âne die noch ich noch nieman dir lîchet . ze êreste
 162r,14 durch dîne heilige burt . unde durch dîne martere . unde
 162r,15 durch daz heilige kriuze in deme dû alle die werelt
 162r,16 lôstest . unde durch dîne erstandenunge . unde durch
 162r,17 dîne ûfvart . joch durch di genâde unde trôst des heiligen
 162r,18 geistes . mit deme troeste mich unde sterke mich
 162r,19 wider alle vâre . wider alle spenste des leidigen vîandes .
 162r,20 dare nâch hilf mir durch die dige sanctae Marien êwiger
 162r,21 megede . joch durch die dige sancti Michaelis . unde alles
 162r,22 himelischen heres . unde durch die dige sancti Johannis Baptistae .
 162r,23 et sancti Petri . Pauli . Andreae . Jacobi . Johannis . et omnium

- 162r,24 apostolorum tuorum . unde durch aller dere kindelîne dige .
 162r,25 die durch dich erslagen wurden ab Herode . dare nâch
 162r,26 hilf mir durch die dige sancti Stephani . sancti Laurentii .
- 162v,1 Viti . Pancratii . Georgii . Mauricii . Dionisii . Gereonis .
 162v,2 Kiliani . Bonifacii . Januarii . Hypoliti . Cyriaci . Sixti .
 162v,3 et omnium sociorum suorum . dare nâch hilf mir durch die dige
 162v,4 sancti Emmerammi . Sebastiani . Fabiani . Quirini . Vincentii .
 162v,5 Castuli . Blasii . Albani . Antonini . dare nâch hilf
 162v,6 mir durch die dige sancti Silvestri . Martini . Remigii .
 162v,7 Gregorii . Nicolai . Benedicti . Basilii . Patricii . Antonii .
 162v,8 Hylarionis . Ambrosii . Augustini . Hieronimi . Wolfgangi .
 162v,9 Zenonis . Symeonis . Bardi . Uodalrici . Leonis papae .
 162v,10 et per preces sanctarum virginum Petronellae . Ceciliae . Scolasticae .
 162v,11 Margaretæ . dare nâch hilf mir durch die dige
 162v,12 omnium sanctorum tuorum . daz necheine mîne sünde . noch heine
 162v,13 vâre des leidigen vîandes mich sô geirren megen . daz
 162v,14 mich dîne genâde gebebe . dare nâch ruofe ich ze dînen
 162v,15 genâden umbe unser münestere daz zestoeret ist
 162v,16 durch unsere sünde . daz ez gerihtet werde durch dîne
 162v,17 genâde . unde durch allere dînere heiligene dige
 162v,18 zuo unseren durften . unde ze allere durfte die here
 162v,19 dienen . ode hier genâde suochent .
 162v,20 hüge truhtîn unser allere durch dîne manecslahtige genâde . unde bedenke
 dese
 162v,21 stat sô . daz dîne êre unde dîn lop hier mege wesen .
 162v,22 hüge ouch truhtîn
 162v,23 aller dere samenunge die iener sîn gesamenet
 162v,24 in dîneme namen . unde bedenke sie in
 162v,25 omnibus necessitatibus suis . dare nâch bite ich umbe
 162v,26 alle die . die sich in mîn gebet haben bevolhen
 162v,27 mit bigihte ode mit vlêhen . swer sô si sîn . swâr sô
 162v,28 si sîn . daz dû si lâzest geniezen des gedingen den
- 163r,1 si ze dînen genâden habent joch ze mîneme gebete .
 163r,2 genâde in truhtîn . unde gehüge daz dû unsich gebüte
 163r,3 beten umbe einandere . dare nâch ruofe ich ze dînen
 163r,4 genâden umbe alle unsere rihtære pfaffen joch leien .
 163r,5 daz dû sie soliche gemachest . daz si sich selben
 163r,6 megen gerihten . unde alle in undertâne joch bevolhene .
 163r,7 dare nâch bite ich umbe alle mîne künnelinge .
 163r,8 daz dû sie bedenkest nâch dînen genâden . dare
 163r,9 nâch bite ich umbe alle die die dâr ie decheine genâde
 163r,10 mir getæten . ode decheine arbeite umbe mich ie habeten
 163r,11 vone aneginne mînes lîbes unze an dese wîle .
 163r,12 daz dû in lônest dâ sie es bezziste bedurfen . ich bite ouch
 163r,13 umbe alle die die dâr decheinen wîsen vone mir
 163r,14 gewirseret ode ungetroestet wurden . daz dû sie rihtest

163r,15 unde troestest mit dînere güete . dare nâch bite ich
163r,16 umbe allez daz ungeriht . joch umbe allen den unvrîde .
163r,17 joch umbe daz ungewitere . daz dâr iener
163r,18 sî . daz dû dû dâr alliu dinc maht . nâch dînen genâden
163r,19 bedenkest allez . dare nâch ruofe ich umbe alle
163r,20 unsere bruodere vervarene hier begrabene . joch umbe
163r,21 alle die die dâr hier sint begraben mit rehtere geloube
163r,22 vervarne . dare nâch bite ich umbe alle die tôten . die
163r,23 hier bruoderschaft habent . joch umbe alle die . dere
163r,24 almuosen wir ie entviengen . dare nâch bite ich umbe
163r,25 alle die . umbe die ieman muoz biten dîne genâde .

163v,1 daz si müezen geniezen alle mînes lebennes . unde des
163v,2 daz ich bin hier superstes hafter ire . ze lezzist bevilhe
163v,3 ich mich selben unde alle mîne arbeite allen mînen
163v,4 vlîz in dîne genâde umbe daz dâ ich selbe ne mege . ode
163v,5 ne kunne . ode ne welle mich bedenken durch mîne
163v,6 broede . unde durch mîne unruoche . ode durch mîne
163v,7 tumpheit . dû mich bedenkest alsô dû maht unde kanst .
163v,8 unde alsô dîn güete . unde dîn wîstuom ist . in manus
163v,9 tuas domine commendo spiritum et corpus meum .